



**INTARA Y'IBURENGERAZUBA
AKARERE KA NGORORERO**
B.P: 103 Muhanga
Email: info@ngororero.gov.rw

Bwana Guverineri w'Intara y'Iburengerazuba/**Karongi**.

Impamvu: Raporo y'icyumweru cyahariwe Umujyanama n'umwiherero wagishoje.

Bwana Guverineri;
Mbandikiye mbagezaho ku mugereka raporo y'icyumweru cyahariwe Umujyanama mu
Karere ka Ngororero cyabaye kuwa 06-09/03/2023 ndetse n'umwiherero washoje iki
cyumweru guhera kuwa 10-11/03/2023 kuri Guesthouse y'Akarere ka Ngororero.

Murakoze.

Jeannette NYIRAMASENGESHO
Umuyobozi w'Inama Njyanama y'Akarere ka Ngororero

Bimenyeshejwe:

- Bwana Umuyobozi w'Akarere ka Ngororero.
- Madamu/Bwana Umuyobozi w'Akarere Wungirije.....(Bose)
- Bwana Umunyamabanga Nshingwabikorwa w'Akarere ka Ngororero.

**RAPORO Y'ICYUMWERU CYAHARIWE UMUJYANAMA N'UMWIHERERO
WAGISHOJE MU KARERE KA NGORORERO KUWA 06-11/03/2023.**

Icyumweru cyahariwe Umujyanama mu Karere ka Ngororero cyabaye guhera kuwa 06-09/03/2023 gisozwa n'Umwiherero wahuje abajyanama b'Akarere, Abayobozi b'Inama Njyanama z'imirenge, Abanyamabanga Nshingwabikorwa b'Imirenge hamwe n'abakozi b'Akarere bireba wabaye ku matariki ya 10-11/03/2023

Ibyakozwe:

1. Gusura Imirenge no kugeza inkunga kuri ECD zatoranyijwe;
2. Kwakira/gukemura ibibazo by'abaturage;
3. Guhuza ibibazo byagaragaye mu Mirenge yose igize Akarere;
4. Ikiganiro ku ishusho y'Akarere no ku mihigo y'akarere y'umwaka wa 2022/2023;
5. Ikiganiro ku mikorere n'imikoranire y'inzego zegerejwe abaturage.

I.GUTANGIZA ICYUMWEU CY'UMUJYANAMA NO GUSURA IMIRENGE

Ingingo ya mbere: Gusura Imirenge no kugeza inkunga kuri ECD zatoranyijwe.

Icyumweru cyahariwe Umujyanama cyatangirijwe mu Murenge wa Muhororo kuwa 06/03/2023 hahurira abajyanama bose basura Model ECD ya Muhororo, baha abana ifunguro hanatangirwa ikiganiro cyo gushishikariza abita ku bana bayigana gukomeza iki gikorwa cyiza mu rwego rwo kurwanya imirire mibi twubaka igihugu cyacu cyiza cy'ejo hazaza. Abajyanama bakaba barashyikirije Ubuyobozi bw'Umurenge inkunga igizwe n'ibikoresho bitandukanye hamwe n'ibiribwa yo gushyigikira ibikorwa byiza bikorerwa kuri iyi ECD.

Nyuma abajyanama bagiranye ibiganiro n'abaturage bo mu Murenge hakirwa ibibazo bitandukanye byabajijwe n'abitabiye inama bimwe birasubizwa ibindi bikazakomeza gukurikiranwa ngo bikemuke cyangwa bikorerwe ubuvugizi.

Nyuma Abajyanama bigabanijemo amatsinda ane (4), icyumweru cyahariwe umujyanama gikomereza mu yindi mirenge yose igize Akarere aho abajyanama bagiye bakora ibikorwa bitandukanye bisa n'ibyakozwe ku munsu wo gutangiza icyumweru cyahariwe umujyanama.

Imbonerahamwe no 1 igaragaza ibikorwa byakozwe mu cyumweru cyahawe Umujyanama

S/n	Umurenge	Icyakozwe
01	Gusura Muhororo Model ECD	Hatanzwe inkunga y'ibikoresho n'ibiribwa muri ECD bifite agaciro ka 250,000 Frw
02	Kageyo	Hatanzwe inkunga y'ibikenewe muri HBECD ya Ruganda ifite agaciro ka 90,000
03	Nyange	Hatanzwe inkunga y'ibikenewe muri ECD Jyejorumwana/Cyambogo Village ifite agaciro ka 90,000
04	Ndaro	Hasuwe Home Based ECD ya Bijyojyo hubatswe akarima k'igikoni inahabwa inkunga y'ibiribwa ifite agaciro ka 90,000
05	Matyazo	Hasuwe Home Based ECD ya Butare banahabwa inkunga y'ibiribwa ya 90,000
06	Muhanda	Hasuwe Home Based ECD ya Gasiza banahabwa inkunga y'ibiribwa ya 90,000

IMPARIRWAKURUSHA GUKORA NI KARE TUKESA IMIHIGO KANDI VUBA





07	Sovu	Hubatswe akarima k'igikoni kuri Home Based ECD ya Mahembe banahabwa inkunga y'ibibwira ifite agaciro ka 90,000
08	Kavumu	Uyu muni wahuriranye no kwizihiza umunsi mpuzamahanga w'umugore itsinda ry'abajyanama bagiyeyo bifatanije n'abari mu birori byo kwizihiza umunsi hanatangwa inkunga ifite agaciro ka 123,000 yo gushyigikira ibikorwa bya ECD iri hafi.
09	Bwira	Hatanzwe inkunga y'ibikenewe muri HBECD ya Bungwe batanga inkunga y'ibikenewemo ya 90,000
10	Kabaya	Hatanzwe inkunga y'ibikenewe muri HBECD ya Mitabo batanga inkunga y'ibikenewemo ya 90,000
11	Hindiro	Hasuwe Home Based ECD ya Gitega banahabwa inkunga y'ibibwira ya 90,000
12	Gatumba	Hasuwe Home Based ECD ya Karambo banahabwa inkunga y'ibibwira ya 90,000
13	Ngororero	Hatanzwe inkunga y'ibikenewe muri ECD \akanyenyeri/Kaseke Village inkunga ya 90,000

Ingingo ya 2&3: Kwakira/gukemura ibibazo by'abaturage no guhuza ibibazo byagaragaye mu mirengi yose igize Akarere.

Ibibazo byabajijwe n'abaturage bimwe byabonewe ibisubizo ibindi bikazakomeza gushakirwa ibisubizo cyangwa gukorwa ubuvugizi. Hakoze imbonerahamwe ibihuza hanagaragazwa komisiyo y'Inama Njyanama bibarizwamo (ku mugereka muhasanga imbonerahamwe y'ibibazo byabajijwe)

II.UMWIHERERO W'ABAJYANAMA

Uyu mwiherero wabaye ku matariki ya 10 na 11 Werurwe,2023 ibera kuri Guest y'Akarere ka Ngororero witabirwa n'abajyanama aho buri tsinda ryagaragaza ibyakorewe mu Murenge basuye ndetse n'ibibazo byabajijwe n'abaturage bo mu Mirenge yasuye mu rwego rwo kwihutisha iterambere no gukemura ibibazo bibangamiye abaturage nkuko byagaragajwe mu mugereka no 1)

Umunsi wa kabiri w'umwiherero wanitabirwe n'Abayobozi b'Inama Njyanama z'imirenge, Abanyamabanga Nshingwabikorwa b'Imirenge hamwe n'abakozi b'Akarere bireba, bahabwa ibiganiro bikurikira:

- (i) **Ikiganiro ku ishusho y'Akarere no ku mihigo y'akarere y'umwaka wa 2022/2023:** cyatanze na Bwana NKUSI Christophe, Umujyanama akanaba Umuyobozi w'Akarere agaragaza aho imihigo y'Akarere y'umwaka wa 2022/2023 aho imihigo 96 y'Akarere ka Ngororero y'umwaka wa 2022/2023 igeze ishyirwa mu bikorwa,

Ikiganiro ku mikorere n'imikoranire y'inzego zegerejwe abaturage: Iki kiganiro cyatanze n'Umunyambanga Mukuru wa RALGA Bwana NGENDAHIMANA Ladislav, yashimiye Ubuyobozi bw'Akarere ka Ngororero, asaba ko buri Umuyobozi yongera imbaraga mu kwita no kwegera umuturage.

iki kiganiro kikaba cyarafashije abitabiriye umwiherero gusobanukirwa neza inshingano zabo.

Nyuma y'ibiganiro byatanze abari mu mwiherero bagejejweho incamake ku byavuye mu cyumweru cy'umujyanama batangaho ibitekerezo: hari ibibazo binini byagaragajwe

IMPARIWAKURUSHA GUKORA NI KARE TUKESA IMIHIGO KANDI VUBA

fuze

Q9

bikeneye ingengo y'imari n'ibindi bisaba guhindura imyumvire ndetse n'imikorere nkuko murabisanga mu mbonerahamwe ikurikira:

Imbonerahamwe no 2 igaragaza ibibazo byagaragajwe bikeneye guhindura imyumvire n'imikorere

IBIBAZO BIKURU BYAGARAGAJWE MU CYUMWERU CYAHARIWE UMUJYANAMA		
S/n	IKIBAZO	ICYAKORWA
1	Ibibazo bigaragara mu buhinzi (aha hibukijwe ko Inama Njyanama yateranye kuwa 02/03/2023 yashyizeho Komisiyo idasanze izacumbura ibibazo biri mu buhinzi, abari mu mwiherero basanze hari bimwe byahita byitabwaho batanga n'inama ku cyakorwa.	<p>Kuvugurura ubuhinzi bw'urutoki hibandwa ku bitoki biribwa no gushyiraho imirima shuri (FFS) muri buri Kagari</p> <p>Guhera ibihingwa biberanye na buri gace</p> <p>Buri mu mugororome mu Murenge nibura kwita ku bihingwa byera kandi byiganje ku Murenge hakagaragara nibura umurima w'icyitegerereze abandi bahinzi bakwigiraho ukaba ushobora no gusurwa igihe bibaye ngombwa (Model farms)</p> <p>Guteza imbere ibihingwa ngandururugo mu rwego rwo kongera ibiribwa (food chain promotion) hanitabwa cyane ku mboga n'imbuta mu rwego rwo kurwanya imirire mibi</p> <p>Gufasha abahinzi kubona imbuto y'indobanure ku bihingwa bimwe na bimwe byiganje mu Karere (ibirayi, imyumbati, urutoki...aho bishoboka bikanyuzwa mu butubuzi ku bufatanye bw'amakoperative na RICA/RAB;</p> <p>Buri mufatanyabikorwa ukorera mu cyiciro cy'ubuhinzi kugaragaza uruhare rwe rufatika mu guteza imbere ubuhinzi byaba byiza bagashyirwa mu byiciro : abafasha mu kongera umusaruro, kuwufata neza no kuwongerera agaciro buri wese akazajya agaragaza icyo yatanzeho umusanzu mu iterambere ry'ubuhinzi mu Karere na gahunda afite mu minsi iri imbere ikumvikanwaho n'ubuyobozi bw'Akarere.</p> <p>Ku bufatanye n'abafatanyabikorwa gutegura amarushanwa y'abahinzi abakora neza bagahembwa bityo abandi bakabigiraho bikanabafasha gukomeza gushyira imbaraga mu bikorwa by'ubuhinzi</p> <p>Gutanga ibihembo ku bajyanama b'ubuhinzi hamaze gukorwa isuzuma, kugira ngo hahembwe abakoze neza, abakora neza basimbuzwe</p>
2	Serivisi itanoze	<p>Gushyiraho aho bakirira abantu ku Karere n'ahandi hakirirwa abantu barindiye guhabwa serivisi</p> <p>Kuganiriza Ubuyobozi bwa Centre de Sante Nyange B n'ahandi hagaragara serivisi itanoze no kugenzura imikorere y'abakozi bakorerwa mu nzego zose</p>
3	Ubusinzi	Kubahiriza amabwiriza y'ifungura n'ifunga ry'utubari no gukomeza kuganiriza abaturage ububi bwo kunywa ibisindisha byinshi hanibandwa kurwanya inzoga zigaragara hirya no hino zidafite ubuziranenge
4	Amakimbarane mu miryango	Gukomeza ubukangurambaga mu baturage hashakishwa udushya twatuma imiryango ibana neza
5	Isuku nkeya Ingarani y'ibishingwe iri muri Centre ya Kabaya ikwiye kwitabwaho	<p>Gukorana n'inzego zitandukanye mu gukemura iki kibazo burundu</p> <p>Kwishakamo ibisubizo hagashakwa ubutaka ibishingwe birimo byakwimurirwamo, hakanatandukanwa ibibora n'ibitabura</p>

IMPARIRWAKURUSHA GUKORA NI KARE TUKESA IMIHIGO KANDI VUBA

fue

SA

6	Ibirarane by'abari abajyanama b'imirenge batishyuwe	Hasabwe raporo kuri iki kiabzo no kugaragaza inzira zo kubikemura
7	Ibibazo by'abaturage bidakemurwa	Hasabwe kuri buri rwego rw'Ubuyobozi haba ikayi igaragaza ibibazo byabajijwe n'abaturage n'igisubizo cyatanzwe kuri buri kibazo
8	Ingurane z'ibyangijwe mu ikorwa ry'ibikorwa remezo zitishyurwa	Hasabwe ko hagaragazwa urutonde rw'ibyangijwe n'abaturage batarishyurwa, impamvu batarishyurwa n'inzira yo kubikemura
9	HPs zimwe zidakora akenshi biterwa n'ubuke bw'abakozi mu bigonderabuzima	Komite nyobozi yagiriwe inama yo kugaragaza ingamaba zo kubikemura
10	Igwingira n'indyo ituzuye	Gushyira imbaraga mu gikoni cy'umudugudu no kuvugurura imirima y'igikoni no kuba nibura buri rugo rwaba rufite itungo (yaba inka cyangwa itungo rigufi)
11	Imikorere ya ECD zimwe na zimwe itubahiriza amabwiriza	Kubahiriza amabwiriza agenga ECDs no kuzifasha kubona ibikoresho
12	Imicungire y'inkunga zihabwa abatishoboye	Kubashyira hamwe mu matsinda hagamijwe gukurikirana uko bazamuka (graduation)
13	Gusohozwa inshingano	Gukurikirana uko abakozi bose bashyira mu bikorwa ibyo bashinzwe

Imyanzuro y'icyumweru cyahariwe umujyanama n'umwiherezo wagishoje:

1. Hasabwe ko imyanzuro yafatiwe mu isoza ry'icyumweru cy'umujyanama umwaka ushize (umwaka wa 2021-2022) itarashyizwe mu bikorwa yakomeza gukorwaho Komite Nyobozi y'Akarere ikazagaragaza raporo irambuye yaho igeze ishyirwa mu bikorwa kuko byagaragaye ko imyinshi itarakorwaho neza;
2. Hifujwe ko ibibazo binini byagaragajwe bikenewe gukemuka mu guhindura imyumvire n'imikorere biri mu mbonerahamwe no 2 byakwitabwaho by'umwihariko nk'umwanzuro w'umwiherezo;
3. Hasabwe ko hakomeza gukurikiranwa urubiruko rutabashije kugira amahirwe yo gukomeza amashuri rugafashwa kwiga imyuga kandi n'abize nabo bashakira kwiga imyuga bakoroherezwa, hongerwa imbaraga muri mobile TVETs;
4. Abajyanama biyemeje ko mu nama za Komisiyo, aho bishoboka zizajya zibera hafi y'abaturage (abaturage begerwe) kugira ngo ibibazo bimwe na bimwe bikigaragare mu baturage bikemurwe;
5. Hifujwe ko MAJ yakwifashishwa mu kwegera abaturage babamenyesha amategeko ndetse banabafasha mu gukemura ibibazo bafite;
6. Hasabwe ko hashakwa uburyo buhamye bwo gukemura ikibazo cy'inyubako y'Akarere ituma haboneka ubucucike bukabije bw'abakozi mu biro, bikaba byanatuma uhabwa serivisi abibona yakiriwe nabi;
7. Hifujweko Akarere kafasha abaturage batandukanye hirya no hino mu mirengi, gukemura ibibazo by'indangamuntu (zirimo amakosa atandukanye, abifotoje kera ntibazibone, izasohotse zanditseho ibitsina bidahuje n'ibyo bafite ...).

IMPARIRWAKURUSHA GUKORA NI KARE TUKESA IMIHIGO KANDI VUBA

fue


Ⓟ

8. Hifujwe ko Komite Nyobozi yakurikirana ikibazo cy'abaturage bo mu Kagari ka Vuganyana mu Murenge wa Nyange, bavuga ko batahawe ingurane y'ubutaka bwabo batanzeho ingurane ahubatswe amashuri mashya abanza ya Kabaga/Nyange kimwe n'ikibazo cy'ingurane kimaze igihe ahakozwe umuhanda Gatumba-Ndaro -Nyange;
9. Hasabwe ko kwegera abaturage byongerwamo imbaraga hibandwa ku biganiro byo gukumira amakimbirane, kwirinda inda z'imburagihe ziterwa abangavu, ubusinzi n'ibindi bibazo bibuza abaturage umutekano n'umudendezo bikanabangamira iterambere ry'Akarere
10. Hifujwe ko amakoperative yafashwa mu guhinduka inzira y'iterambere ry'Akarere bakinjira mu bikorwa binini by'iterambere n'ishoramari kandi bakifashishwa mu gukemura bimwe mu bibazo bibangamiye umuryango nyarwanda;
11. Hifujwe ko ikibazo cy'ikoreshwa ry'ishwagara mu kurwanya ubusharire mu butaka ku bahinzi bayifuza no kuyimenyekanisha cyahabwa umurongo;
12. Gukomeza gushyira imbaraga mu gikorwa cyo kurwanya isuri ariko bigakorwa hagenderwa ku ikoranabuhanga ryose rijyana no kurwanya isuri ku gasozi kagiye kurwanywaho isuri aho kuhakora ibice (ahacibwa amaterasi agakorwa, ahajya imirwanyasuri igakomerezaho ndetse n'ahafite ubuhaname bukabize hagaterwa amashyamba).

Murakoze


AYINKAMYE Marie Louise

Umunyamabanga w'Inama Njyanama y'Akarere
y'Akarere ka Ngororero


Jeannette NYIRAMASENGESHO
Umuyobozi w'Inama Njyanama
y'Akarere ka Ngororero